


**Batisto Bonnet**

**La Fiero de  
Bello-Gardo**

**emé d'àutri raconte e frapacioun**



**C.I.E.L. d'Oc**

**Centre International de l'Écrit en Langue d'Oc**

3 Place Joffre, 13130 Berre L'Étang

<http://www.lpl.univ-aix.fr/ciel/>

# Prefàci

## I

*Lou douge de juliet de 1938 es uno dato que marco dins l'adraiado dis ome de bon vers uno aubo de freirejacioun idealo, mai noun pas illusòri. Lou President A. Daladier fisant à si coumpatrioto que lou festejavon au Palais d'Orsay si pensomen de capo dóu Gouvèr, sertiguè soun message à la França emai au mounde entié, dintre dos amiràbli charradisso prouvençalo*

*I'aurié que lis entre-tenènço sant-estelenco de Frederi Mistral que se poudrien aparia, pèr l'ampour e l'elevacioun de la pensado e lou gàubi de la lengo, emé li paraulo countadino dóu premié ministre.*

*En A. Daladier dins sa vilo de Carpentras qu'antan fuguè capitalo, d'ouro s'atrinè dins si devé de « conse e de grand ciéutadin» e ié foundè lou museon countadin. Representant de soun pople e, lèu , de la Nacioun franceso, en s'aubourant i cargo tant auto e tant grèvo que i'escason aro, — en un tèms coume gaire se n'es vist de mai entrepachouso,— noun a quita, dins soun èime e dins soun cor, merma soun enavans de fiéu de la Prouvènço.*

*Dins l'oustau countadin ounte fuguè abari, li grand e tóuti li gènt e soun fraire Gustàvi, lou fournié qu'avèn couneigu, se servien quasimen que de la lengo prouvençalo e sa jouvènço fuguè bressado pèr li raconte de l'Armana Prouvençau que soun grand, lou paire Mouriés, de Mourmeiroun, ié legissié emé delice.*

*Tout parié li grand e li gènt de soun cambarado de licèu e d'ideau en Francés Jouve, au four di Bloundin, vers Mazan, dóumaci lou levame grana dóu parla countadin, empuravon la «*